

太湖備考續編卷四

東山鄭言紹季雅輯

外孫葉慶禔

校訂

孫思敏

同治三年采訪歷次殉粵匪之難者

自咸豐十一年至同治二年

年先後羅初凡五次各按年月分五起編敘又有平時遇賊身殉及徙居外籍殉難者另分記二起

一記咸豐十一年二月初一日殉難者

溧陽賊陷東山

柳貞烈女名敏和父長齡母朱氏女許字石時稔時稔

未婚卒女年二十二奔喪守貞居於顧塢已十三年

至是聞賊警以死白誓日坐水次以待而賊未至其村越三日下僞令安民徵進貢人皆謂可以苟安女

日吾死矣眾恠問之女曰吾忍死三日者冀山人能
殺賊賊或退今若此爲賊窟矣可偷生耶初四夜半
賊絕命詩二首自經死詩曰此心矢死十年前今日
微軀更可捐賊窟豈堪容苟活急須乾淨了塵緣從
來名節重如山願託金繩度世間惟有親恩慚未報
他生或可效銜環後書有負兩親大德惟願來生補
報十二字詰旦母至以詩焚送之云死真得所自從
容生女如斯實耀宗願我已衰休眷戀九原遲早可
重逢不哭而返女卒時年三十五

專題請旌

金孝烈女名鳳珍渭川女許字嚴家駒賊掠金家湖女

扶母走山塢賊追及將攫女母牽女裙不捨賊怒將
斫母女給賊曰免吾母始相從賊捨母曳女行女回
顧母已遠乃大詈賊被殺時年二十

王烈女睿華四女居翁巷是日偕其姊走避翠峰塢賊
聲近投黃泥潭死年二十二

俞烈女益三女字吳從禮遇賊投渡水港賊拽之不肯
起遂死年十五

席烈女名生榮存馥女居席家湖被賊掠逼令登艇至
湖濱猝投水死賊異其烈撈而殯之年十八

吳烈女儒章女字嚴景安居坊前避賊於鄰園見賊越

牆入急投荷池死年二十一

葛烈女鼎和女許字金鴻聞警出走途遇賊投殿涇港
死年十六 漏訪未旌應補

張烈女漢祥女居張家下腳賊至投港死年十四

劉含輝妻王氏亦睿華女劉居王家涇女適歸母家在
翁巷聞賊警偕第四妹攜幼女匿避翠峰塢賊至塢
遂同投黃泥潭死比殮持其女猶未釋手年三十七
俞景三妻席氏述甫女投渡水港死

席元虎妻金氏曙明女聞警坐池上賊近投水死

張曙明妻朱氏在郊女自經死

韓學禮妻申氏仲輝女賊掠渡水橋氏遙見之急赴殿
涇港死越五日收屍面如生

席勳臣妻金氏舜臣女賊掠翁巷氏攜女出走賊追及
與女俱投河女爲里人救甦氏竟死年五十

朱和義妾許氏名德蘋字香賓舉家同匿石家塢賊至
次第搜財物及氏氏戟手大罵賊斫其右手復以左
手拾石投賊中面賊刃刺其喉死年三十六

楊起鳳妻何氏居坊前投金魚池死

楊士成妻朱氏士明女居張家下腳投渡水港死年二

十一

沈榮庭妻吳氏正昌女甫嫁彌月隨家眾出走賊已及

急投殿涇港死年二十

漏訪未旌應補

一記十一年七月十一日武山殉難者

蘇賊來爭東山溧賊

拒於渡水橋蘇賊僅至武山遂荼毒武山諸村

吳烈女名瑞齡父樹勳居西涇村賊至女走湖濱賊攫之急絕裾赴水死年十五

嚴烈女聲和女遙見賊幟急投河死年二十

沈烈女炳海女赴水死年十六

沈烈女錦華女投冰死年十五

夏吟齋妾周氏賊至西涇投河死

陳嘉昌妻鄭氏翼雲女投河死年三十四

陳必信妻葛氏瑞坤女賊追急投水死年二十一

沈茂良妻翁氏夫婦共投水死子錦榮亦死

莊永名妻宋氏投水死年十八同時從者有陳紹昌之

未婚妻呂女年十七暨蔣甫明之孫女俱溺於湖

周東發妻陳氏投水死年五十八

張名高妻葉氏居廐里投河死年二十九

邵永如妻宋氏投西涇河死

一記同治二年五月二十六七等日前後山殉難

者

蘇賊已踞東山漂賊復來爭二十六日擾前
山之東路及武山諸村次日又擾後山諸村

金烈女名鳳娥脩盛女生彌月失母祖母周鞠育之既長事周以孝聞二十六日賊擾金家湖入其家女適臥病賊逼之起不從賊怒提擲房外亂擊之又見祖母被賊懸毆益悲慟賊去家人視之徧身青紫哭不成聲卽死年十九

項義烈女名蔡喜福山人監生吳毓琳家婢也二十六日賊掠西涇村毓琳母氏翁年八旬項女扶之走賊至擄女不從挾以刃仍不從吳母又執女手不忍釋賊怒欲殺吳母女願代主母死延頸就刃血濺衣赤賊揮吳母去拽女登舟女卽前行急投仙橋港死年

二十後吳氏歛之葬於祖塋側

吳烈女名昭姑吳梅齋女避賊於屋上賊見登梯攫之不肯下遂被殺年二十二

周烈女名招鳳周廣聚女許字金蓮善二十六日賊舟艤余山見女偪之女大罵脅以刃罵益厲賊怒剖其腹以死年十九

金烈女瑞昌女居蔣灣賊偪不屈被刺死年十六

吳烈女名蓉生員吳景星女賊至女扶母匿叢莽中會鄰婦被賊脅導賊至女所以嫁禍賊捨婦拽女出擁登舟猝投湖死年二十

錢允文妻周氏師樂女居豐圻賊入室偏資聲言將殺其幼子氏號哭奔護遂被殺年四十二

宋培妻劉氏維初女二十六日賊掠岱心灣遇氏偏資撻之血漬衣赤賊他往以巨石壓之氏乘間投井死年五十四

吳克勤妻葉氏居岱心灣賊偏資被懸毆傷重死

劉耀寰妻吳氏岱心灣人遇賊峻拒被扑傷死於翠峰塢之微香閣

楊大經妻翁氏椿女大經贅於翁居永長巷氏遇賊於家門被殺年三十

葉長庚妻陸氏舜千女二十五歲寡吞針投繯俱救免
晚年惟以持齋誦經爲事二十六日賊掠永長巷向
氏索銀錢不得拽氏行氏厲聲叱之賊怒舉刃亂斫
復以火熬其背賊去家人舁歸視其衣上下皆密縫
血透襦赤傷重死年五十六

盛錦周妻朱氏遇賊於渡水橋被殺年四十一
候選訓導金相妻陸氏吉士女居菱田二十六日賊掠
其家忤賊被戕年六十九

鄭長柏妻席氏樹觀女居漾橋氏因其家近市避賊於
菱田適遇賊投河死年二十八

施朝德妻金氏桂明女居茭田聞賊近於門前投河死
年五十六

張九如妻蔡氏永觀女氏歸蔡三日卽寡守節至老賊
至茭田被殺年六十一

吳梅齋妻沈氏尙賓女居西涇村卽吳烈女昭姑之母
是日女死於家氏已出走遇賊於路被斫傷昏絕復
甦及歸家見女屍大慟傷益劇遂死

王介茂妻龔氏居西涇村被殺年六十二

蔣永齡妻蕭氏二十八歲夫亡守節十六年遇賊不屈
被扑死年四十四

氏於道光二十九年守節本應給旌殉難後漏訪應補

周右泉妻夏氏穉齋女二十六日賊至葛家瀆投井死
年二十一

葛賢銓妻韓氏展成女居葛家瀆賊索資無所獲言將
殺其稚孫氏護孫賊益怒被擊死年六十八

俞履瞻妻嚴氏居葛家瀆被斫死年四十

葛明遠妻嚴氏居葛家瀆被殺於家年四十

吳體乾繼妻朱氏天佑女居白沙二十七日賊舟自前
山移集後山氏遇賊不屈被殺

葉彙吉妻姜氏仁伯女居紀革村夫亡守節聞賊近投
湖死

葉墨樵妻吳氏藕莊女居蔣灣遇賊偪資被撻死年六十四

葉英發妻周氏正傳女二十七日賊擾蔣灣攫氏至嵩下王祠中欲污之氏峻拒被殺年三十七

金翰卿妻周氏元常女賊至蔣灣氏扃戶投庭中井死年二十五

王聖力妻韓氏鳳章女居蔣灣賊偪資斫死

葉燦雲妻徐氏鑑衡女賊至蔣灣被殺年六十

周源長妻陳氏景臣女蔣灣人投井死年五十四

葉亮臣妻張氏堯章女蔣灣人被扑死年五十九

葉貴三妻朱氏賊掠蔣灣斫傷死

吳素鋸妻葉氏筠泉女居陸巷二十七日賊劈門入氏忤之斷脰死年五十六

顧順高妻金氏連奎女居陸巷賊逼之不可辱被殺年十八

葉體元妻徐氏徵遠女二十七日賊掠寒山被逼不屈斫死年三十八

周映來妻朱氏雲裘女聞賊至投寒山河死時羣婦相約見賊卽赴水氏年獨長已六十二

周輔廷妻徐氏啟源女投寒山潭死年四十六

周耀堂妻陸氏杏舟女賊追之急投寒山潭賊至潭邊
益赴深處死年二十四

王榮植妻周氏常岳女居寒山斫傷死年八十九

周錫華妻翁氏敏求女寒山人遇賊扑死年四十三

周沛華妻吳氏嘉聲女寒山人遇賊扑死年五十二

周濟東妻席氏謂九女寒山人賊逼之不受辱被扑死
年三十五

柳會廷妻徐氏蘊光女二十七日賊入其家子婦金氏
方臥病賊偪之遂延頸受刃氏奔護被斫傷卽投寒
山河死

嚴道生妻陸氏星華女居嵩下二十七日賊至其村遂投井死

周冠揚妻葉氏煥章女賊至嵩下氏抱幼子出走賊追之投潭死比收殮子未釋於懷年三十三

周承德妻倪氏寶山女賊掠嵩下被扑死年四十八子年十六亦扑死以母子相護俱殉

葉星士妻周氏二十七日賊至山址入氏家被擊傷重投河死

朱邦輝妻葉氏梓庭女二十七日賊掠大河村攫氏強逼之氏罵賊峻拒刃搦數創死年三十八

漏訪未旌
應補